



Cov Kev Taw Qhia thiab Cov Feem Xyuam Xyaw Ntawm Kev Tsis Sib Cais Uas Muaj Kev Ua Tau Zoo

<https://ectacenter.org/topics/inclusion/indicators.asp>

Lub Kaum Ob Hlis Ntuj Tim 15, 2023

QHOV KEV TAW QHIA C1: Pab Pawg Neeg Ua Hauj Lwm Txog Kev Tsis Sib Cais Ntawm Zej Zog (CIT)

Pab Pawg Neeg Ua Hauj Lwm Txog Kev Tsis Sib Cais Ntawm Zej Zog (Community Inclusion Team, CIT) yog muaj cov thawj tswj hwm los ntawm kev saib xyuas me nyuam, Head Start, thiab [Phab B, Tshooj 619](#) cov khoos kas, cov neeg ua hauj lwm khoos kas, cov neeg ntawm tsev neeg thiab cov neeg laus uas muaj kev xiam oob qhab uas sawv cev lub zej zog, thiab cov khub hauv zej zog. Pab pawg neeg ua hauj lwm no tsim kho thiab siv cov phiaj xwm kev nqis tes uas muab kev taw qhia txoj hauv kev, kev txhawb nqa, thiab ua kom ntseeg siab tias muaj cov chaw tsis sib cais thiab siv cov kev xyaum tsis sib cais. Dhau li no lawm CIT kuj tseem ua kom ntseeg siab tias muaj kev tuaj yeem nkag mus siv tau cov ntaub ntawv thiab kev sib txuas lus los ntawm ntau cov qauv thiab ntau hom lus.

CIT:

1. Tus neeg lis hauj lwm uas muab kev pab cuam tam li tus thawj koj kev txuas lus thiab teeb tsa cov rooj sib tham pab pawg neeg ua hauj lwm.
2. Muaj cov tswv cuab uas sawv cev rau cov khoos kas nyob hauv nroog thiab nyob tuaj ntug, kev saib xyuas me nyuam, chaw saib xyuas tsev kawm ntawv hauv cheeb tsam (piv txwv, State PK), kev cuam tshuam thaum tseem ntov, Head Start, thiab cov tsev neeg. Kev ua tswv cuab yog muaj ciam txwv tsis pub tshaj li 15 tus tswv cuab.
3. Muab kev tso cai rau cov tswv cuab koom nrog kev ua CIT txhua cov kev ua ub ua no thiab cov kev lav ris. Tsim kho lub phiaj xwm kev nqi tes uas tau sau ua ntaub ua ntawv uas muaj cov hom phiaj thiab cov kev teeb tseg uas phim nrog rau nws nqe lus qhia ntawm hom phiaj thiab cov kev taw qhia no.
4. Paub txog cov khoos kas rau cov me nyuam uas tseem yau thiab cov txheej teg kev ua hauj lwm muab kev pab cuam nyob rau hauv lub zej zog, uas suav nrog lub khoos kas cov kev ua ub ua no thiab cov hom phiaj, cov pej xeem neeg uas tau muab kev pab cuam (piv txwv, Cov Neeg Kawm Ob Hom Lus [Dual Language Learners, DLLs]), kev muaj cai tau txais ntawm lub khoos kas, los sis daim zwj qhia hnuv tim los sis cov teev sij hawm ua hauj lwm
5. Tsim kho, siv, thiab faib tawm nqe lus qhia ntawm lub hom phiaj rau kev suav nrog cov me nyuam uas muaj kev xiam oob qhab.
6. Txuas lus cov txiaj ntsig thiab cov cai teeb tseg fab kev cai lij choj txog ntawm kev tsis sib

cais nrog rau cov khoos kas me nyuam uas tseem yau, cov txheeg teg kev ua hauj lwm muab kev pab cuam, thiab cov tsev neeg nyob rau hauv lub zej zog.

7. Faib tawm thiab muab kev pab rau qhov kev siv [Lub Khoos Kas Hauv Zos Cov Kev Taw Qhia Txog Kev Tsis Sib Cais Uas Ua Tau Zoo \(Local Program Indicators of High-Quality Inclusion\)](#) thiab [Kev Saib Xyuas Thaum Tseem Ntxov thiab Huab Cua Ib Puag Ncig Fab Kev Kawm Cov Kev Taw Qhia Txog Kev Tsis Sib Cais Uas Ua Tau Zoo \(Early Care and Education Environment Indicators of High-Quality Inclusion\)](#) nrog rau txhua tsev neeg, cov tswv cuab hauv zej zog, thiab cov kws muab kev pab cuam.
8. Tshab xyuas nqe lus qhia ntawm lub hom phiaj nyob rau thaum pib cov rooj sib tham thiab siv nws los ua kev taw qhia txoj hauv kev rau kev tawm phiaj xwm kev nqis tes.
9. Muab yam pab kev yooj yim rau cov kev cog lus uas raug raws cai ncuu ntawm cov khub hauv zej zog uas pab txhawb kev tsis kev sib cais ntawm lub zej zog: los ntawm kev npaj cov neeg ua hauj lwm los muab cov kev pab cuam nyob rau hauv lub zej zog cov chaw muab kev saib xyuas thaum tseem ntxov thiab cov chaw kawm; piv txwv, los ntawm cov hwv tsam thiab cov peev txheej txog kev tsim kho hauj lwm uas tau faib tawm; thiab los ntawm kev faib tawm cov peev txheej txog kev thauj mus los.
10. Teeb tsa rooj sib tham tas li los daws teeb meem kev nce qib mus rau cov hom phiaj nyob rau hauv lub phiaj xwm kev nqis tes txog kev tsis sib cais.
11. Tshaj tawm ib xyooos ib zaug hais txog cov kev muaj yeej thiab kev nce qib nyob rau hauv qhov ntau thiab qhov ua tau zoo ntawm huab cua ib puag ncig kev tsis sib cais thiab lwm cov kev ua ub ua no uas tau cuam tshuam nrog rau nws cov phiaj xwm kev nqis tes mus rau Xeev Pab Pawg Neeg Ua Hauj Lwm Txog Kev Ua Tus Coj (State Leadership Team) los sis Lub Khoos Kas Pab Pawg Neeg Ua Hauj Txog Kev Ua Tus Coj Ntawm Kev Tsis Sib Cais (Program Inclusion Leadership Tea), mis dias, cov neeg tsim cai, cov tsev neeg thiab lub zej zog loj.
12. Muab cov hwv tsam rau zej zog ua kev zoo siab rau kev nce qib.
13. Koom tes nrog rau cov neeg ua hauj lwm ntawm lub chaw saib xyuas tsev kawm ntawv hauv ceeb tsam los ua kom muaj cov hwv tsam kev kawm paub txog kev tsis sib cais thiab kev koom nrog ntau ntxiv nyob rau ncuu sij hawm thiab tom qab kawm ntawv rau cov tub ntxhais kawm uas muaj hnuv nyoog nyob rau ncuu kev kawm qib pib.
14. Txuas lus qhov kev xav tau los daws cov teeb meem txog cov yam tsim kev tab kaum rau kev tsis sib cais uas tau cuam tshuam rau cov cai, cov txheej txheem, thiab kev muab peev nyiaj pab uas tau txheeb xyuas los ntawm cov khoos kas nyob rau hauv lawv lub zej zog nrog rau xeev cov chaw sawv cev los sis Xeev Pab Pawg Neeg Ua Hauj Lwm Txog Kev Ua Tus Coj, Khoos Kas Hauv Zos (Local Program), thiab Pab Pawg Neeg Ua Hauj Lwm Txog Kev Ua Tus Coj Ntawm Kev Tsis Sib Cais (Inclusion Leadership Team).

QHOV KEV TAW QHIA C2: Tsev Neeg Li Kev Koom Tes Nrog

CIT tsim cov kev sib raug zoo nrog rau cov tsev neeg ntawm cov me nyuam uas muaj kev xiam oob qhab, thiab tau koom tes rau qhov kev sib koom tsim kho txhua cov cai thiab cov kev pib. Cov kev sib raug zoo uas ruaj khov thiab muaj kev sib hlub sib pab nrog rau cov tsev neeg no yog tau tsim los pab txhawb lawv li kev koom nrog qhov kev tsim kho thiab kev siv cov cai thiab cov kev pib uas tau cuam tshuam kev tsis sib cais. Pom tias cov tsev neeg zoo tam li lub chaw muaj cov tswv yim uas muaj nuj nqis thiab lawv lub suab raug suav nrog rau hauv qhov txheej txheem kev tawm phiaj xwm thiab kev ua kev txiav txim cov cai, cov kev ua ub ua no, thiab cov ntaub ntawv.

CIT:

1. Txhawb nqa qhov kev koom nrog yam tsis tu ncu ntawm cov tsev neeg nyob rau hauv nws cov kev ua ub ua no.
2. Muab kev koom tes nrog rau cov tsev neeg uas yog ib feem ntawm CIT uas siv ob txoj hauv kev sib txuas lus thiab los ntawm kev tsim huab cua ib puag ncig uas hnov lawv cov suab uas muaj kev sib hwm thiab saib rau nqi ib yam nkaus li CIT lwm cov tswv cuab.
3. Muab lus qhia thiab ntaub ntawv rau cov khoos kas hais txog tsev neeg li kev koom tes nrog uas muaj kev pab tau zoo.
4. Muab kev cob qhia txhawm rau ua kom ntseeg siab tias cov tsev neeg cov kev paub thiab lawv cov kev xam pom fab kab lig kev cai txog kev xiam oob qhab thiab kev tsis sib cais tau txais kev ntsuam xyuas lawm.
5. Ua kom ntseeg siab tias cov tsev neeg tshab xyuas thiab muab lus pab tswv yim rau txhua cov ntaub ntawv, tshwj xeeb tshaj yog cov uas tau tsim kho rau cov tsev neeg.
6. Muab kev pab cuam txhais lus raws li yuav tsum tau muaj.

QHOV KEV TAW QHIA C3: Kev Lees Paub thiab Kev Cog Lus

CIT txhob txwm pab txhawb cov kev lees paub ntawm thiab kev cog lus uas yuav tsis sib cais ncu ntawm cov khoos kas, cov kws muab kev pab cuam, cov ntsev neeg thiab lub zej zog.

CIT:

1. Thov ntaub ntawv kev paub thiab lus pab tswv yim los ntawm cov khoos kas tshwj xeeb hauv zej zog, cov tsev neeg, lub zej zog, thiab cov feem xyuam uas tau cuam tshuam hais txog lawv li kev paub txog qhov kev tsis sib cais.
2. Tsim kho thiab siv lub phiaj xwm kev lees paub ntawm zej tsoom txog kev tsis sib cais thoob plaws lub zej zog uas siv cov txiaj ntsig ntawm kev tshawb nrhiav txog kev tsis sib cais thiab cov hauv paus kev cai lij choj thiab cov feem xyuam xyaw rau kev tsis sib cais. Cov tswv yim tsim kev lees paub ntawm zej tsoom suav nrog cov ntaub ntawv kev paub uas tau sau ua ntaub ua ntawv, xaus saus mis dias, thiab kev ua tswv cuab rau cov kev mus saib cov khoos kas.
3. Hloov kho lub phiaj xwm tsim kev lees paub ntawm zej tsoom kom phim rau cov neeg saib xws li cov tsev neeg, cov kws muab kev pab cuam kev cuam tshuam thaum tseem ntxov hauv zos, cov thawj tswj hwm tsev kawm ntawv uas nce rau tsoom fvw nyob rau txhua qib, cov neeg ua hauj lwm ntawm pab pawg thawj coj tsev kawm ntawv, cov thawj coj kev saib

xyuas me nyuam, xeev cov thawj tswj hwm ntawm Xeev cov chaw sawv cev kev saib xyuas thaum tseem ntxov thiab kev kawm (Early Care and Education, ECE) cov khoos kas thiab lwm cov neeg tsim cai xws li cov neeg tsim kev cai lij choj thiab cov tswv xeev.

4. Txheeb xyuas, nyob rau hauv kev koom tes nrog rau Cov Kws Cob Qhia Khoos Kas (Program Coach), cov chaw hauj lwm, cov tsev kawm ntawv los sis cov khoos kas los ua cov chaw ua qauv qhia hauv zos rau kev tsis sib cais.
5. Tsim kho qhov kev nthuav tawm kev lees paub txhawm nrhiav neeg ua hauj lwm ntawm cov khoos kas.
6. Tsim tus qauv kev nrhiav neeg ua hauj lwm thiab kev lees txais rau cov khoos kas uas koom nrog rau qhov kev pib.
7. Nrhiav neeg ua hauj lwm rau cov khoos kas thooob plaws txhua hom khoos kas, cov cheeb tsam chaw, thiab cov cheeb tsam ntawm pab pawg neeg ib xyoos ib zaug.
8. Ua kom ntseeg siab tias cov kev pib uas tsim kev lees paub ntawm zej tsoom thiab cov kev rau siab nrhiav neeg ua hauj lwm rau kev tsis sib cais sawv cev rau kab lig kev cai, hom lus, thiab ntau cov qauv (piv txwv li, nyob rau hauv kev sau ntawv los sis nyob rau hauv cov vis dis aus) uas raug raws li cov zej zog cov kev xav tau.
9. Ntsuam xyuas qhov kev siv tau zoo ntawm lub phiaj xwm kev lees paub ntawm zej tsoom, tshwj xeeb tshaj yog thaum nws cuam tshuam rau kev muaj vaj huam sib luag.

QHOV KEV TAW QHIA C4: Cov Cai thiab Cov Txheej Txheem

CIT pab txhawb cov cai thiab cov txheej txheem txog kev tsis sib cais uas qhia ua rau pom txog nws nqe lus qhia ntawm lub hom phiaj thiab cov kev txhawb nqa qhov kev siv cov kev xyaum tsis sib cais.

CIT:

1. Muab cov hwv tsam rau cov khoos kas los koom nrog kev tshab xyuas cov cai thiab cov txheej txheem txhawm rau txheeb xyuas tej yam uas muaj kev tsis sib haum xeeb nrog los sis yog qhov los thaiv qhov kev tsis sib cais.
2. Muab lus qhia thiab ntau ntawv rau cov khoos kas hais txog cov cai thiab cov txheej txheem uas txhawb nqa thiab pab txhawb kev tsis sib cais.
3. Tsim cov txheej txheem uas txhawb nqa kev faib tawm peev txheej thiab kev muab kev pab cuam uas muaj kev txuas lus ncuam ntawm cov khoos kas tau zoo.

QHOV KEV TAW QHIA C5: Cov Peev Txheej Fab Nyiaj Txiag

CIT nkag siab cov chaw muaj peev nyiaj pab thiab cov peev txheej uas muaj thiab pab cov khoos kas rov faib dua, txuas lus, thiab kev sau cov peev nyiaj los ua ke txhawm rau tawm qauv thiab ua cov kev xyaum tsis sib cais.

CIT:

1. Muab yam pab kev yooj yim rau lub chaw sawv cev thiab khoos kas cov kev sib tham uas pab txhawb kev faib tawm peev txheej thiab kev npaj cov cai teeb tseg rau kev muab peev nyiaj pab kom phim.

-
2. Muab lus qhia thiab cov ntaub ntawv rau cov khoos kas hais txog cov peev txheej fab nyiaj txiag uas muaj thiab cov yam uas yuav tau ua zoo saib fab kev cai lij choj rau kev siv cov chaw muaj peev nyiaj pab uas suav nrog txoj hauv kev faib qhov nqi, kev sau cov peev nyiaj los ua ke, kev hloov pauv cov nyiaj tsis raug cai thiab txuas lus txog cov peev txheej.
 3. Pab cov khoos kas txheeb xyuas cov chaw muaj peev nyiaj pab los txhawb nqa cov kev ua ub ua no ntawm kev tsis sib cais mus yam tsawg kawg peb xyoos.

QHOV KEV TAW QHIA C6: Neeg Ua Hauj Lwm Cov Cai thiab Tus Qauv

CIT pab txhawb neeg ua hauj lwm cov cai thiab cov qauv uas txhawb nqa kev muab kev cuam tshuam thaum tseem ntxov, kev kawm tshwj xeeb, thiab lwm cov kev pab cuam tshwj xeeb nyob rau hauv cov hauj lwm thiab cov kev ua ub ua no uas niaj hnub ua uas pab ua rau cov neeg ua hauj lwm ntawm khoos kas muaj kev sib koom tes ua hauj lwm los kawm paub thiab ua cov kev xyauam uas saib raws pov thawj.

CIT:

1. Muab yam pab kev yooj yim rau lub chaw sawv cev thiab lub khoos kas cov kev sib tham uas sib piv neeg ua hauj lwm cov cai thiab cov qauv txhawm rau ua kom ntseeg siab tias muaj kev sib phim.
2. Muab cov lus qhia thiab cov ntaub ntawv rau cov khoos kas hais txog neeg ua hauj lwm cov cai thiab cov qauv uas txhawb nqa kev faus tseg qhov kev muab kev cuam tshuam thaum tseem ntxov, kev kawm tshwj xeeb, thiab cov kev pab cuam uas tau cuam tshuam nyob rau hauv cov hauj lwm uas niaj hnub ua ntawm cov kev teeb tsa khoos kas hauv zej zog.

QHOV KEV TAW QHIA C7: Kev Sib Koom Tes Ua Hauj Lwm Ua Pab Pawg

CIT pab txhawb kev sib koom tes ua hauj lwm ua pab pawg txhawm rau kom cov me nyuam uas muaj kev xiam oob qhab nyob rau hauv cov chaw tsis muaj kev sib cais muaj kev kawm paub thiab kev tsim kho ntau ntxiv.

CIT:

1. Muab cov tswv yim rau kev sib koom tes ua hauj lwm ua pab pawg uas muaj kev siv tau zoo thiab lus qhia txog tus uas tsim nyog yog ib feem ntawm pab pawg neeg ua hauj lwm sib koom tes.
2. Muab lus qhia txog lub hom phiaj, feem xyuam xyaw thiab cov hauv kev ntsuam xyuas cov pab pawg neeg ua hauj lwm sib koom tes uas muaj kev siv tau zoo ncu ntawm cov neeg ua hauj lwm thoob plaws txhua cov chaw thiab cov khoos kas hauv zej zog.
3. Muab lus qhia txog txoj hauv kev ntsuam xyuas cov neeg kawm ob hom lus (Dual Language Learner, DLL) uas ua xyem xyav tias muaj cov kev xiam oob qhab ua lawv thawj hom lus hais thiab Lus As Kiv thiab siv cov kws txhais lus los sis cov kws muab kev pab cuam paub ob hom lus. Cov lus qhia no suav nrog cov hww tsam kev kawm paub txog kev tsis sib cais uas pab txhawb cov me nyuam li kev siv hom lus thiab kev tsim kho raws li ncu dav, txawm tias cov kws muab kev pab cuam tsis hais cov me nyuam thawj hom lus hais los xij.

QHOV KEV TAW QHIA C8: Kev Pab Fab Tev Niv Tshwj Xeeb thiab Cov Kev Pab Cuam Kev Sab Laj

CIT txheeb xyuas thiab nkag mus siv kev pab fab tev niv tshwj xeeb (Technical Assistance, TA) thiab cov kev pab cuam kev sab laj txhawm rau pab txhawb nqa kev ua cov kev xyaum tsis sib cais thiab sib txuas lus nrog rau lub xeev txog tej cov kev txhawb nqa txhab ntxiv uas xav tau.

CIT:

1. Muab lus qhia thiab kev ceeb toom qhia rau cov khoos kas hais txog txoj hauv kev tuaj yeem nkag mus siv tau TA tshwj xeeb ntawm xeev thiab hauv zos uas muaj thiab cov kev pab cuam kev sab laj ua hom lus thiab nyob rau hauv cov hauv kev uas raug raws li cov khoos kas cov kev xav tau tshaj plaws.
2. Txheeb sau cov ntaub ntawv los ntawm cov khoos kas hais txog cov kev txhawb nqa txhab ntxiv uas yuav tsum tau muaj los ntawm xeev, piv txwv, los ntawm kev ua cov kev ntsuam xyuas uas tsis raug raws cai thiab raug raws cai, uas suav nrog cov kev sib tham ua pab pawg, los sis cov kev soj ntsuam.
3. Txheeb xyuas thiab ceev kev ruaj ntseg ntawm TA hais txog cov kev sib txawv ntawm haiv neeg, hom lus, kev xiam oob qhab, thiab kev ntsuam xyuas uas muaj kev siv tau zoo thiab kev muab kev pab cuam rau DLL uas tau ua xyem xyav los sis tau qhia tias muaj cov kev xiam oob qhab.
4. Sib koom tes ua hauj lwm nrog rau cov chaw sawv cev hauv zos los txheeb xyuas cov tswv cuab nyob rau hauv cov zej zog uas tau muab cov kev pab cuam sab laj uas yuav tsum tau muaj, thaum twg los xij uas mus tau.
5. Tsim kho lub tswv yim ntawm phiaj xwm TA rau cov khoos kas uas muaj kev nkag mus siv tau TA tsawg, xws li cov khoos kas nyob tuaj ntug, kev saib xyuas me nyuam ntawm tsev neeg, thiab cov khoos kas rau cov me nyuam uas tseem yau uas muaj tswv ntiag tug.

QHOV KEV TAW QHIA C9: Cov Kev Txhawb Nqa Khoos Kas rau Kev Tsim Kho Hauj Lwm

CIT txhawb nqa cov khoos kas los tsim kev paub, kev ntseeg siab, thiab kev muaj peev xwm ntawm cov neeg ua hauj lwm nyob rau hauv kev ua cov kev xyaum tsis sib cais thiab txhawb nqa kev koom tes nrog mus yam tsis tu ncuu nyob rau hauv cov hwv tsam kev tsim kho hauj lwm uas tuaj yeem nkag mus siv tau.

CIT:

1. Muab lus qhia thiab muab kev ceeb toom qhia rau cov khoos kas hais txog cov hwv tsam kev tsim kho hauj lwm uas muaj uas tuaj yeem nkag mus siv tau (*xws li*, tsis xam nqi los sis muaj tus nqi qis, nyob rau ncuu sij hawm cov teev sij hawm uas tuaj yeem hloov pauv tau los sis nyob rau ncuu sij hawm cov hnuv kev tsim kho hauj lwm, ua ntau tus qauv ntawv thiab ntau hom lus) thiab raug raws li lub khoos kas cov kev xav tau.
2. Txheeb xyuas cov kws muab kev xyaum thiab cov kws cob qhia txhawm rau tsim thiab ceev cia kev coj cov kev xyaum tsis sib cais thooob plaws khoos kas mus siv.
3. Muab lus qhia thiab muab kev ceeb toom qhia rau cov khoos kas hais txog cov hauv kev tsim kho hauj lwm uas saib raws pov thawj xws li kev xyaum, kev cob qhia, kev muab kev sab laj, thiab kev xyaum ua zoo ceev faj (*xws li*, cov hwv tsam uas muaj yam pab kev yooj yim ntawm tus thawj coj saib xyuas hauj lwm nyob rau hauv kev qhia tawm yus li kev paub dhau los thiab cov kev tsis ncaj ncees uas cuam tshuam rau kev ua hauj lwm nrog rau cov me nyuam thiab cov tsev neeg).
4. Muab lus qhia thiab muab cov kev ceeb toom qhia rau cov khoos kas hais txog cov kev xyaum tsis sib cais uas suav nrog kev nthuav tawm lub luag hauj lwm, kev siv tev naus laus yis, thiab cov kev pab cuam thiab kev qhia kawm tshwj xeeb uas tau faus tseg.
5. Pab cov khoos kas txheeb sau cov ntaub ntawv txog qhov kev siv tau zoo ntawm kev tsim kho hauj lwm nyob rau hauv cov kws muab kev pab cuam li kev siv cov kev xyaum tsis sib cais thiab cov me nyuam cov tshwm sim tawm los.
6. Txheeb sau cov ntaub ntawv txog cov kev xav tau kev tsim kho hauj lwm hauv zej zog los tsim kho cov hwv tsam rau qhov kev xyaum, kev cob qhia uas tau faib tawm, thiab lwm yam.
7. Ntsuam xyuas feem cuam tshuam tsis zoo ntawm cov hwv tsam kev tsim kho hauj lwm uas tau faib tawm rau cov khoos kas li kev muaj peev xwm muab qhov kev tsis sib cais.
8. Muab lus qhia rau cov khoos kas nyob rau hauv kev siv cov ntaub ntawv txog qhov tshwm sim tawm los ntawm tus me nyuam txhawm rau tsim lawv cov phiaj xwm kev tsim kho hauj lwm.

QHOV KEV TAW QHIA C10: Tus Qauv Kawm

CIT muab cov kev taw qhia txoj hauv kev thiab cov kev ceeb toom qhia rau cov khoos kas hais txog tus qauv kawm uas saib raws li kev tshawb nrhiav uas tuaj yeem hloov kho tau kom phim rau txhua tej tus me nyuam cov yam uas ua tau zoo thiab cov kev xav tau thiab pab kev yooj yim rau kev suav nrog cov me nyuam uas muaj kev xiam oob qhab. "Qhov kev tsis sib cais uas tseem ceeb" txhais tau tias cov me nyuam uas muaj kev xiam oob qhab tsis yog tau txais kev tuaj yeem nkag mus siv tau cov khoos kas xwb, tab sis tseem tau txais cov hwm tsam nkag mus siv tau tus qauv kawm thiab koom nrog rau cov kev sib tham nrog phooj ywg.

CIT:

1. Muab cov piv txwv ntawm tus qauv kawm uas saib raws li kev tshawb nrhiav rau cov khoos kas hauv zos txhwj xeeb cuam tshuam rau txoj hauv kev txheeb xyuas tus qauv kawm uas saib raws li kev tshawb nrhiav uas muaj ua ntau hom lus los sis txoj hauv kev hloov kho tus qauv kawm Lus As Kiv kom phim thiab muaj kev cuam tshuam rau.
2. Faib tawm cov peev txheej nrog rau cov khoos kas hais txog txoj hauv kev hloov kho cov ntaub ntawv ntawm tus qauv kawm kom phim los sis siv cov khoos kas txhawb ntxiv los pab kev yooj yim rau qhov kev kawm paub thiab kev koom nrog ntawm cov me nyuam uas muaj cov kev xiam oob qhab.
3. Faib tawm cov peev txheej thiab cov lus qhia txog txoj hauv kev faus tseg los sis ntxiv cov ntaub ntawv ntawm tus qauv kawm, piv txwv, cov khoom ua si los sis cov phau ntawv uas muaj cov kev piav qhia txog cov me nyuam thiab cov tsev neeg uas hwm txog qhov kev sib txawv ntawm lawv li haiv neeg, kab lig kev cai, lus, thiab lub peev xwm, (piv txwv, tus me nyuam Neeg Tawv Dub uas muaj cov kev xiam oob qhab uas hais tau ob hom lus).
4. Muab lus qhia rau cov khoos kas hais txog txoj hauv kev faus tseg cov hwm tsam kev kawm paub tshwj xeeb rau hauv tus qauv kawm rau cov me nyuam uas muaj cov kev xiam oob qhab uas twb yeej muaj lawm.

QHOV KEV TAW QHIA C11: Kev Txheeb Sau thiab Kev Siv Ntaub Ntawv

CIT txheeb sau, ua kev xaus lus thiab siv cov ntaub ntawv los ntawm cov khoos kas thiab lub zej zog txhawm taug qab xyuas cov kev nce qib ua kom muaj cov hwm tsam kev muaj vaj huam sib luag, kev tsis sib cais ntiv rau cov me nyuam uas muaj cov kev xiam oob qhab thiab cov tsev neeg thoob plaws haiv neeg thiab tsav neeg, hom lus, qib kev xiam oob qhab, nyiaj khwv tau los, thiab cheeb tsam chaw.

CIT:

1. Muab lus qhia thiab muab kev ceeb toom qhia rau cov khoos kas hais txog cov kev ntsuas, cov txheej txheem, thiab kev siv cov ntaub ntawv uas tau tsom kwm rau cov kev sib txawv ntawm LRE, haiv neeg thiab tsav neeg, poj niam txiv neej, hom lus, thiab hom kev xiam oob qhab txhawm rau ua kom ntseeg siab tias muaj kev tsis sib cais.
2. Txheeb sau cov ntaub ntawv ib xyoos ib zaug txhawm rau taug qab xyuas cov khoos kas li kev nce qib nyob rau hauv lawv cov phiaj xwm kev nqis tes thiab kev sib koom tsim kho cov kauj ruam kev nqis tes los daws cov teeb meem kev tu ncuva kev nce qib.
3. Txheeb sau ntaub ntawv ib xyoos ib zaug txog lub khoos kas qhov ntau ntawm cov kem chaw tsis muaj kev sib cais uas muaj thiab sib koom tsim kho cov kauj ruam kev nqis tes los ua kom muaj cov kem chaw no ntau ntiv, raws li yuav tsum tau muaj.
4. Txheeb sau ntaub ntawv ib xyoos ib zaug txog lub khoos kas qhov ntau ntawm cov kem chaw tsis sib cais uas puv lawm thiab sib koom tsim kho cov kauj ruam kev nqis tes los ua kom muaj cov kem chaw no ntau ntiv, raws li yuav tsum tau muaj.
5. Txheeb sau ntaub ntawv ib xyoos ib zaug txog txhua tej lub khoos kas qhov ntau ntawm cov kem chaw tsis sib cais uas yuav tsum tau muaj thiab sib koom tsim kho cov kauj ruam kev nqis tes los ua kom ntseeg siab tias muaj cov kem chaw.
6. Txheeb sau cov ntaub ntawv kev nce qib ib xyoos ib zaug los ntawm txhua tej lub khoos kas nyob rau hauv [Lub Khoos Kas Hauv Zos Cov Kev Taw Qhia Txog Kev Tsis Sib Cais Uas Ua Tau Zoo](#) thiab [Kev Saib Xyuas Thaum Tseem Ntxov thiab Huab Cua Ib Puag Ncig Ntawm Kev Kawm Cov Kev Taw Qhia Txog Kev Tsis Sib Cais Uas Ua Tau Zoo](#) thiab kev sib koom tsim kho cov kauj ruam kev nqis tes los daws cov teeb meem kev nce qib.
7. Txheeb sau cov ntaub ntawv los ntawm cov tsev neeg thiab cov khoos kas hais txog cov kis khoob thiab cov kev xav tau nyob rau hauv lub zej zog thiab sib koom tsim kho cov kauj ruam kev nqis tes los daws cov teeb meem txog cov kis khoob.
8. Faib tawm daim ntawv xaus lus thiab cov ntaub ntawv txog kev nce qib nrog rau Pab Pawg Neeg Ua Hauj Lwm Txog Kev Ua Tus Coj Thoob Plaws Txhua Fab Hauj Lwm Ntawm Xeev (State Cross-Sector Leadership Team) thiab Pab Pawg Neeg Ua Hauj Lwm Txog Kev Ua Tus Coj Ntawm Kev Tsis Sib Cais Ntawm Lub Khoos Kas.

Lub chaw muaj ntaub ntawv uas tau qhia:

Lub Chaw Hauj Lwm Txog Kev Pab Fab Tev Niv Rau Cov Me Nyuam Tseem Yau (Early Childhood Technical Assistance Center), thiab Lub Chaw Hauj Lwm Hauv Teb Chaws rau Cov Kev Tsim Kho Tshiab Qauv Pis Las Miv (National Center for Pyramid Model Innovations) (2023). *Cov Kev Taw Qhia Kev Tsis Sib Cais Uas Muaj Kev Ua Tau Zoo (Indicators of High-Quality Inclusion)*. Tau rub rov qab los ntawm <https://ectacenter.org/topics/inclusion/indicators.asp>

Cov ntsiab lus ntawm nplooj no yog tau tsim raws li cov kev cog lus kev sib koom tes #H326P220002 (Lub Chaw Hauj Lwm ECTA) thiab #H326B220002 (NCPMI), los ntawm

Lub Chaw Ua Hauj Lwm txog Cov Khoos Kas Kev Kawm Ntawv Tshwj Xeeb (Office of Special Education Programs), Teb Chaws Mes Kas Lub Tuam Tsev Hauj Lwm Ntsig Txog Kev Kawm (U.S. Department of Education). Txawm li cas los, cov ntsiab lus no tsis tas yuav hais txog txoj cai ntawm Teb Chaws Mes Kas Lub Tuam Tsev Hauj Lwm Ntsig Txog Kev Kawm, thiab koj tsis tsim nyog tau txais kev pom zoo los ntawm Tsoom Fwv Teb Chaws (Federal Government).



Office of Special Education Programs
U.S. Department of Education



UNC

FPG CHILD DEVELOPMENT INSTITUTE